

صاحب امتیازی :  
شهیندرزاده قلیلی  
احمد صلمی

اداره و تحریر محلی  
جفال اوغلی جاده سنده دائره مخصوصه در .  
مخابرات صاحب امتیاز ایله جریان اتمه لی در .

نسخه سی هر یرده ۲۰ پاره در . لکن اوزمه دندن  
بر آی کیمش نسخه لر ایکی ودها اسکیلری اوج  
غروشدر .



شرائط اشتراك :  
سنه لکی ۳۵ آتی آیانی  
۲۵ غروشدر

ممالك امینییه ایوره :  
سنه لکی ۱۰ ، آتی آیانی ۶ فراتق . اعلان ایچون  
اداره مدیری محمد ذهنی بکه مراجعت ایدیلیر .

جریده نك انفس کاغده باصیلان ومقوه قوطیلرله  
کونده ریان نسخه لری سنه لک ابونه سی التمش  
غروشدر .

## فکرت حاضرہ ہیک استادری

— ۱ —

« ماقس ستریز » و « نتیجہ »

اخلاقسزاق و خود برستی مسلکی

L'Immoralisme

یاخود

[دین قوت]

La Religion de la Force

## فلسفہ دہ « مودا »

اور وایلر ، مودائی « یارنک مسخرہ لئی » دیہ تعریف ایڈیورلر . فلسفہ ایہ حقایق ازلیہ وابدیہ . دن باحث بر علم نہائی . بویہ ایکن فلسفہ دہ مودایہ تابع . نہایت واصلیات صوکی بولونامایہ جئی ، فلسفہ صوکی سوز هیچ بر وقت سوینہ میہ جکی ایچون هر عصرده ، هر عصرک اقسامندہ ، مسالک فلسفیدن بر طاقلرینک بردن برہ پارلادینی ، بر طا - قلیزینک ایسہ عادتاً سونوک قالدینی کوریاہر . واقما عالم ادراکده ارتق یکی بر فکر دوغامایہ جئی ، بوتون یکیلکیر ، افکار موجودہ نک دورلو دورلو شکللرہ میدانہ دولاشمائی دیمک ایسہده مسالک فلسفیدن برینک پارلاق بر ذکا طرفدن زمانک احتیاج و افادہ - سیلہ مناسب بر صورتده اورطہیہ آیلماہی ، تجدد برینہ قائم اولوپور .

شوصوک یارم عصر ظرفندہ « شوہاور » ک یأس آور و بدین فلسفہ می ، « تولستوی » ک فصاحتہ صیلائے دیمک اولان مسالک حزینی حکمفرما اولدی . صوکر ، بومسلکدن اوصانلیدی . نوبت « ماقس ستریز » ایلہ « فرہده ریق نتیجہ » یہ کلدی . شیمیدی یہ قدر بوتون فیلسوفر ، فلسفہ می « حب حکمت » دینہ تلقی ایڈیورلر دی . بویکی فیلسوفک دیگرلرندن فرقی ایسہ « حکمتی » اخلاقسزلندن عبارت « عدا ایتہلری در . بویسہ ، یکی بر « کلیون » مذہبی دیمک اولوب یئہ اواخر عصرده رونما اولان « یکی و جیدیہ » مذہبنک عکس عملی ، ضدنامی در .

بویکی فلسفہ می میدانہ جیقاران ندر ؟ بوبؤال مهمہ جواب ارایان مدققلر ، اونی ، عصر مزمدینتک حصولہ کثیردی عمومی خنودسزلقدہ بولشلردر . مذہبت حاضرہ نک آلدینی شکلدن کیمسہ نمون دکل . ایشته ستریز و نتیجہ نک آتارندن آکلاشیلانده بودر . بویکی فیلسوفک تلامیدی :

« اخلاق فکرتندنده آواناچہ بر فکر اولاماز ! دیورلر : بولرندن « زہریک » دیورک :

« تاریخ عمومی بڑہ کوستہ دیورکہ اخلاقی ملتر ، همان دائماً عقلسز وابدال بر ملتر . اخلاقی ملت ، برشی ایجاد و اختراعندن عاجزدر ، ترقی ایده مز . آرزو ، خطوطات ایچون شوق وامل ، اخلاق قیدیہ ملل اولمایان واسع حظوظات حسی : ایشته ادراک بشرک پارلاق جیچکیرینک نشوونما بولاجنی باغزار ! »

مع الناسف بوفلسفہ ، عصر مزک تاملات و ذوقہ موافق در ، ذاتاً بوفلسفہ ، شو تاملاتی افادہ دن باشقا برشی بایور . [۱]

بڑہ خصوصی دہا بسیط بر شکلده افادہ ایده جکیز . ہپ بوغریب مسلکیر ، غیب ایڈیان و بشریتہ مودوع اولان برامات جلیہ یی تخری ایتہ مکدن ، دوغری بولندن انحرافدن ایلری کلیور .

بشریت ، کرہ ارشدہ پیدا اولدینی کوندن بری ، یعنی اوجیش یوزیک سندر ، مادی و معنوی - معادت تخری ایڈیور . بومعادت ایچون ماواسی اولان شوکرہده ، آرزو سرمایہ وار . لیکن بشریت ، سعادت ، احتراض دینان صفت مششومہ یی رہبر یاپاراق آرادینی ایچون بولامور .

فلانفہده کی ، اجتماعیات قاعدہ لرندہ کی ، حکومتلرک و سیاستلرک طرز زندہ کی تحولات متادہ ، ہپ بوتخری نک اشکال ظاہرہ می در .

اوروپا مدینتی ، بوطرازک الک صوکی شکلی در . لیکن سعادتہ یا قلاشیلیدی می ؟

ہیات ! « ماقس ستریز » ک الک مشہور اثری « بردانہ جک واونک خواہی » نام کتابی در . بواتر ، مؤلفک وفاتندن قرق ستریز بویوک براہمت قازانمشدر . « نتیجہ » نک فلسفہ سنی تتبع ایچون بواترک روحنی بیلک ایجابایدہر ، زیرا بوفلسفہ ستریزک اساسلری اوزرینہ موضوعدر .

المانیانک یتشدر دیک الک بویوک ذکاردن فیلسوف « ہککلہ تحلیل اصولی حدغایہ افراطہ کوتورمشدی ہککلہ فلسفہ نک ہیئت عمومیہ سی مخافہ کار ایسہده اصولی بویلہ دکلدی . زیرا نتیجہ دہده : دین دکل دینلر ؟ قواعد دکل ، حادثلر ، دستور اخلاقی دکل ، عاتلر » موجود اولدینی ادعا ایڈیور دی .

ہککلہ تلامیدی تحلیل سوء استعمال ایلہ برر برر ، افکار مؤسسہ یی یقیسغہ باشلادیلر . سزاؤوس ، عبادات شکلیہ و اعتقاداتی ، برونو باور ، روایات و مقدساتی یقیدی . مع مافیہ بونلر انقاض آراسندہ یئہ برشی بر اقلشاردی .

قوترباخ ، اوشی دہ فضلہ بولدی . و : اللہ دینلن شی ، سالارہ انعکاس ایتش انسان کولکسندن باشقا برشی دکلدی . « دیہرک میدانی تماماً بوش براقدی . لیکن بومیدن بوش قالمیہ جفندن اورایہ « دین - انسانیت » نامیلہ بر « انسانیت » فکر مجردی قویدی . حالبوکہ ستریز ، بوفکر مجردی دہ یکی بر پوت بولدی . اونی دہ یقیق لازم کلدی . بودفعہ میدانہ « بردانہ جک و خواہی » نام اثرده کوستہ ریلیدی اوزردہ ، اللہ و انسانیت برینہ « انانیت — بئلاک » اقامہ ایڈلیدی . بوفکرہ کوردہ یگانہ حقیقت ، شایان تقدیس و تبد « انسانک بئلاک » در . بوفیلوفہ کوردہ : انسان کندی خارجدہ ، ایستر اللہ اولسون ، ایستر انسانیت نامی ویریلین ، ہیچ بریشہ باش ایکمہ مہمی لازمدر . اجتماعیات ، انسانیت حقوقی ہپ بوش لافلردر . فردک حقوقندن باشقا حق بوقدر . »

[۲] « مذہبت حاضرہ حقندہ کی شو ملاحظات ، فرانسه انجمن دانئی مخابرلرندن « بوردو » نک فکری در .

ستریز ، بوفکری شوصورتہ ایضاح ایلیور : « ای انسان ! دماغندہ جادیلر وار . زیرا اورادہ بر بوزوقلق وار . برطاقم خیالات عظیمہ یہ دوشویور - سک . علوی و آلی بر عالم تصور ایلیور سک . کویا برکون کیتکہ مدعو بولندینک بر عالم ارواح تخیل ایڈیور سک . بر فکر ثابتک وار . ظن ایتہ کہ لطیفہ ایڈیورم و یاخود رمز و تشبیہہ سویلیورم . بن همان بوتون انسانلری ، تیمارخانہ یہ قایمغہ لایق مجنونلرعد ایڈیورم ! بر فکر ثابت ، انسانلرک قبولندہ مضطر بر اقلیدینی بر فکر ثابت نہدر ؟ انسانیتہ حرمت ، اخلاقہ رعایت و سائرہ کی عقیدہ حکمنہ کیرمش شیلر ؟ بر فکر ثابت دکل دہ نہدر ؟ ہا بریسی قلقوب دہ ذات باری ، تراپونیا بمرطوری و یاخود روح القدس اولدینی ادعا ایتش ، ہا بردیگری قلقوب دہ حبتیلر و وطنداش ناموسلی بر آدم آبی بر خریستان اولدینی ادعا ایلہ مش : ایکسی دہ بر فکر ثابت صاحبی یعنی دہلی در ! »

[ مابعدی وار ]

## ادبیات متصوفانہ

## عشق بالا

[ ۵۶ نجی نسخہ مزندن مابعد ]

در دنجی پردہ

[ زاویہ دہہ بر باغچہ . شیخ بر آغاچ آلتندہ اوطور مقدمہ ، شیخک براز اوزاغندہ ، چہرہ می یأس و لاقیدی ابراز ایدن و بیجہ سی قالدیراش اولان مجذوب طور مقدمہ در . ]

## برنجی مجلس

شیخ ، مجذوب ، لطف اللہ

شیخ

لطف اللہ ! عبدالودودلہ براز کز غمکہ جیچکیز .

مجذوب

سلطانم ! نیہ یارار . . . نہ کوردہ جکم !

شیخ

بودورہ کیجیجہ قدر ، بویلہ عادی تدبیرلرک

فاندہ می واردر ، اوغلم .

مجذوب

آہ شیخ ! بن سنک یانندن آریلق ایستہ میورم . کرچہ سن دہ کوزومدہ بر خیال بی مالک اما ، یئہ بن بوخیالدن دہا سونلی برشی کور میورم .

شیخ

سوکیلی اولادم . . . .

مجذوب

عشقیلہ فترت ، یکسان می ؟ بیلمم ،

فرقیلہ حیرت ، بر آن می ؟ بیلمم ،

بوکون دوار ، بی جان می ؟ بیلمم ،

بہموت می ، طاش می ، حیوان می ؟ بیلمم ،

حساس می ، حس می ، وجدان می ؟ بیلمم ،

مخلوق می ، یوقمہ ، سبحان می ؟ بیلمم .

بیلمم کیم بن ؟ ای مظلم اسرار !

شیخ

نیار وار ، دکل می ؟ نیار نہ اغیار !

مخدوب

وارد برایکن یوق ، یوق دیر ایکن وار !

شیخ

احوال عشق بو ، احوال ابرار .

ایکنجی مجلس

اولکیلر ، منزوی

منزوی

ای شیخ عارف ... روحده بر فترت وار . سکا

کدم ، تسلی به محتاج ...

شیخ

دم دمه اویماز ، دمساز اولانلری بر حالده قویاز  
بویله در ، اوساقی !

منزوی

زواللی مجذوب ... اوده پریشان !

شیخ

شیخی کی ...

منزوی

اطلاق می ؟ بلکه حیراندر بو ،

شیخ

اطلاق می ؟ یوق یوق خسراندر بو ،

بر تحفه ! ... مکر جاناندر بو ،

سیرسلوکه ، بر آندر بو !

قیصقاندی ، اوردی ، مجروح قالدی ،

موتا مثالی ، بی روح قالدی !

منزوی

تحمسوز درد ، مدھش بلایا !

شیخ

بر جلوه ... ایشته ، صوگ سوز : تجلا .

مجدوب

فطره یله عمان ، سیان کوزمده ،

کاشانه ، زندان ، سیان کوزمده ،

ویرانه ، عمران ، سیان کوزمده ،

مشهود و پنهان ، سیان کوزمده ،

مابعدی وار

\*\*\*\*\*

تدقیق آثار

ابن فارض

[ قصیده یائسی ]

افاضل امتدن ناظم پاشا حضرتلری ، افاحم اهل الله  
کرامدن ابن فارضک یائسی ، میمی وراثیه قصیده لرینی  
ترجه بو بورمشلردر . بو ، یک بو بوک برخدمندر .  
یاکیز برجهت نظر دقتی جاب ایندی . مترجم مشارالیه  
وقوف فوق العاده لری حسیله ، فکر حضرتقی تماماً  
میدانه قوی مشلر سده اشعارده کی لسان رمز و عشقی  
علی حاله ایها ایتمشلردر . بوعاجز ، ترجمه یی ترجمه  
کی غریب مراقه دوشدم ... صانکه اوروچ جلیل  
ایله بر آن استغراقده کوروشدم ...

سائق الاطمان یطوی البیدطی

منعماً عرج علی کشبان طی

محصول بیت

[ ای سائق قطار بادیه عشق و هوا مجمع سرفرازان  
حسن و جمال اولان طی قیله سنک تبه لرینه طوغری  
میل و صروج ایدرسک . ]

ای عشق قطارینی سوق ایدن ، بنم حالت عشقی  
فهم ایله بن سرداش ! حجابات طلعمایه و نورانیه یی  
خطوات عشق و هوا ایله طی ایتشلرک قرارگاه بی قراری  
اولان شواحق حسن و جماله چقارسک .

و بذات الشیخ عنی از سرر

ت بحی من عربیب الجزع حی

محصول بیت

[ و ذات الشیخ دینیلان محل فرج فزاده بسط  
بساط نجات و جلالت ایدن بی ربوع قیله سی اینچندن  
کچرسک . ] ذات نجات جماله مستغرق و بیوش و جمع  
فرق و استغراقله نقطه کائنده هشیار اولان قیلا کماله  
لسان معنا ایله سلامی عرض ایت .

و تلتطف واجر ذکر ی عندهم

علیهم أن ينظروا عطفاً الى

[ نظر مرحمتلری جلب ایتسی مأمول اولان  
نام و فائزایی تذکیر لطفکارانی دریغ ایتیه . ]  
موجودیتی یا لکنز براسله مبین اولمقدن عبارت  
قالان بو وفا کارلری اولنرک زردنده یاد ایت !  
بو بیتده نه بیوک بر ذوق معنا وار ، ابن فارض ،  
جداً بر عمان عشق و حساسیتدر . حضرت خانم  
محی الدین ایله مروی اولان بر محبامه لری نه قدرده  
میندادر . ابن فارضک امواج عشق رحمتک  
هجومیه برز این شکیلده اظهار ایتدیکی ماحرای  
شوق و انجذاب ، محی الدینک لسان کات و تبلیغ ایله  
سویله کلرینک عنی در . بوسیده مبنی در که ابن فارض :  
بنم اشعارمک تفسیری ، آثار محی الدین در .  
بیورمشدر .

قل ترکک الصب فیکم شجاً

ماله مما براه الشوق فی

محصول بیت

[ مهبط تجلیان بی دربی اولان جسم فنا نمایی  
سایه سبز بر شجره نور اولان عاشق غمخواری بادیه  
بیای عزالت اولدینی حله ترک ایدیککی سویله . ]  
تجلیان جالیله نک امواج لاتحیی کی هجمایه  
بشرتی عمان وجودده مغروق اولان فقط حالا  
مرض عشقندن قورتولامادینی ایچون وصله رغماً  
غریق غم قالارق عزالتی حسن ایله بن برعاشقی ،  
وادی وحدتده بر اقدیکی سویله .

خافیا عن عائد الإلاح کما

لاح فی بردیه بعدا لشرطی

محصول بیت

[ جسم تزاری برده رفودارک هر زاثره نهان  
بوکلری کی لحوق نظر قابل اولیمه حقی مرتبه  
کعب نجافت ایتدیکی دخی سویله . ]  
مراتب قتاده اولیه بر مرتبه یی بولدم که آرتق بنده  
حقندن آیری بر موجودیت کوره ییلمک ایچون نظر  
حقیقت یی جمده دخی تجلیاتک وجود مستغرق  
کورنلردن اوابی لازمدر .

ابن فارضک بوییتی ، اکامک هر شیدن مستقی

بولوئمانسه رغماً جلوه عشق و انجذاب ایله ابتلاسی  
رمز ایدیور . ابن فارضه بر تلندناچیز بیله اولامایان  
بوقیر ، ذامه مخصوص بر حال اولوق اوزره دکل ،  
اکاملی تعریف ایچون بر ایا قیلندن دیمشدم که :

هر کیچم لیاة اسری ، هر نفس براق ،

بی زمانم ، بی نشانم ، قالمادی ابراق .

کرچه بر شهبال عشقم یوق بکا دوراق ،

عشق طوزاغنده یائشی خوش لقا بولدم .

\*\*\*\*\*

شیخ اکبرک قصیده عشقه لریندن

بعض پارچه لر

لنالن امره روح و جسم ،

لنالن جوهر الاشیاء طایم ،

لنا من جمیع الاشیاء اسم .

فهذا من جنون العشق قسم

مألی : اونک اسرندن روح و جسمم ، جوهر  
اشیادن طلسمم ، جمیع اشیادن اسمم واردر . بویسه  
عشق جنتلردن بر قسمدر . ایضاح : حضرت شیخ ،  
روح و جسمی ، یک لطیف بر صورتده توحید ایدیور ،  
ایکیستده عنی ماهیتده وجود و ربیور . هر ایکسیده  
امر ارجاع ایدیور . لکن امر ندر ؟ ایشته مسئله نک  
چنین طرفی بوراسی در . « امر » و « عالم امر »  
دینیلن مرتبه تشات و تطاهری شهود و تدقیق روحی  
ایله آکلامانلر ، بو خصوصده روح حقیقتندن جوق  
اوزاغه دوشمشلردر .

« امر » ک حقیقتی بیلمه یلر ، اورویاده شوصوک  
زمانلرده ظهور ایدن [ فردیه Imonisme ] مسلیکیله  
مساک جلیل محی الدین آراسنده بر فرق کورمه مکباشلا .  
مشلردی . حتی « همکل » ک براری باشنده ، بو  
عالمک مسلیکیله تصوف آراسنده کی مشابیه اعلام  
ایچون ، جناب شیخک بر نطقله سلطان ولدک :

بن ییلمز ایدم ، کزلی و عیان هب سن ایشک !  
نشیده سنی دلیل کتیر مشلردی . حالوکه تصوف  
یا لکن معادلات عقلیه دن عبارت اولمایوب اوند برده  
شرائط « حسن و مشاهد » واردر . واصل ایشک  
زوریده بوراسی ارباب ظواهره آکلامده در . مع  
مافیه بز بونی بر تشیه ایله آکلامده جالیاشاجنز . مکمل  
بر تلسقوب دوریتنه مالک اولوب اوسایده جیلیاقی  
کوزله کوروله مبن اجرامی مشاهده ایدن ، فلکیاتک  
بوتون دستورلرینه مالک اولان بر طلاله یا لکن استدلال  
لات منطقیه استناد ایدن بر ذنک سما و محسویاتی  
حقننده کی فکرلری نه عنی قوتده ونه عیب ماهیتده  
دکلدر .

« ولایت » دینیلن حالت وله بخش ، هر انسانده بر صفت  
فماله اولمایوب انجق هر انسان اوکا قارشی بر صفت قابله یه  
مالکدر . بوسیده مبنی در که محقق ترمندی ، جناب  
مولانا جلال الدین رومی یه یازدینی بر مکمل اوده :

« ولایت ، تحصیل ایله آله کچز ، چونکه تلب مرشدن  
قلب مریده ابداع اولونور بر سر در . »  
دیمشدی .

جناب شیخ ؟ بزم امردن بر روح و جسمم  
واردر . « دیمکه کرک جسمدن و کرک روحدن وجودی